



REPUBLIKA E KOSOVËS / REPUBLIKA KOSOVA

GJYKATA THEMELORE PRISHTINE - DEGA E GJYKATËS FUSHË KOSOVE

Numri i lëndës: 2023:145819

Datë: 02.04.2024

Numri i dokumentit: 05534666

P.nr.2463/23

NË EMËR TË POPULLIT

GJYKATA THEMELORE NE PRISHTIË – DEGA FUSHË KOSOVË - Departamenti i Përgjithshëm, Divizioni Penal, sipas Gjyqtares Laura Hoti Statovci, në lëndën penale të akuzuarit I. H. nga F. K., i akuzuar për veprën penale Vjedhje nen 313 par 1 të KPRK-së, duke vodosur sipas aktakuzës së Prokurorisë Themelore në Prishtinë – Departamenti i Përgjithshëm PP.II.nr.3753/23 të datë 04.07.2023, në seancën e shqyrtimit filletar publik të mbajtur me datë 14.03.2024, në pranin e Prokurorit të Shtetit Eset Rama dhe të akuzuarit I.H., me datë 14.03.2024 mori dhe publikisht shpalli ndërsa me datë 02.04.2024 përpiloj këtë:

A K T G J Y K I M

I pandehuri I. H., i biri i Besnik dhe nëna H., e gjinisë A., i lindur me, në F... K..., me vendbanim në L. nr. 29 ne F. K. me numër personal, të dhëna këto të vërtetuara nga dokumenti i letërnjoftimit të lëshuar nga MPB, nuk ka te kryer shkolle, i martuar, baba i katër fëmijëve, i gjendjes së dobët ekonomike, Ashakali, Shtetas i Republikës së Kosovës.

ËSHTË FAJTOR

Sepse:

Me datë 14.04.2023, rreth orës 16:41 , në fshatin M..e P. Komuna F.. K.., në rrugën Prishtinë-Pejë ,më saktësisht në oborrin e Auto-sallonit “C.. P.”, me pronar V. V., i pandehuri I.H me qëllim që me përvetësimin e sendeve të huaja te luajtshme vetit ti sjellë përfitim pasuror të kundërligjshëm, ka vepruar në atë mënyrë që hyn në oborrin e Auto-sallonit të lartcekur nga aty ka vjedhur një lavatriçe për larjen e enëve disa pajisje te kamerave, 2 karrige dhe një tavolinë të cilat kane qen te vodosura prapa sallonit pajisje në vlerë 250 euro dhe më pas i pandehuri është larguar nga vendi i ngjarjes, me ç' rast të dëmtuarës auto-sallon “C.....”, i ka shkaktuar dëm material në vlerë 250 euro.

- *Me këtë ka kryer veprën penale Vjedhje nen 313 par 1 të KPRK-së.*

Andaj, gjykata në bazë të nenit të lartcekur dhe neneve 4, 7, 8, 9, 10, 17, 21, 38, 39, 42, 43, 70, 71, 72 dhe 313 par 1 të KPRK-së dhe neneve 358, 359, 360 dhe 364 të KPPRK-së, të akuzuarin e:

GJYKON

- I. Me dënim me burgim në kohëzgjatje prej 3 (tre) muaj i cili dënim do të ekzekutohet në afat prej pesëmbëdhjetë (15) ditëve, nga dita e marrjes së formës së prerë të këtij aktgjykimi dhe
- I. Me dënim me gjobë në shumen prej 300.00 (treqind) €uro të cilin dënim i pandehuri obligohet që ta paguaj në afat prej 30 (tridhjetë) ditëve nga data e plotfuqishmërisë se këtij aktgjykimi
- II. Nëse i pandehuri dënimin me gjobë nuk e paguan në afat të caktuar më lartë, atëherë gjykata këtë dënim do ta zëvendësoj me dënim burgu në kohëzgjatje prej 15 (pesëmbëdhjetë) ditësh duke llogaritur një ditë burgim me 20 (njëzetë) euro të gjobës.
- III. Obligohet i akuzuari që në emër të shpenzimeve të procedurës gjyqësore të paguaj shumën prej 20 (njëzet) në emër të pashallit gjyqësor, si dhe shumën prej 20 (njëzet) euro në emër të kompensimit të viktimate të krimtit, të gjitha këto në afat prej 30 ditësh nga dita e plotfuqishmërisë së këtij aktgjykimi.
- IV. Pala e dëmtuar V. V. për realizimin e kërkesës pasurore-juridike, udhëzohet që ta realizon në procedurë të rregullt civilo-juridike.

A r s y e t i m

Prokuroria Themelore në Prishtinë - Departamenti i Përgjithshëm, ka paraqitur Aktakuzë PP.II.nr.3753/23 të datë 04.07.2023, ndaj të akuzuarit I.H. për shkak të dyshimit të bazuar mirë se ka kryer veprën penale Vjedhje nen 313 par 1 të Kodit Penal të Republikës së Kosovës (KPRK-së, 06/L-074).

Gjykata lidhur me këtë çështje penale ka mbajtur seancën e shqyrtimit fillestarë me datë 14.03.2024 në praninë e prokurorit të shtetit Eset Rama dhe të pandehurit I. H. ku pas leximit të aktakuzës nga prokurori i shtetit i pandehuri u deklarua se e pranojnë fajësinë për veprat penale për të cilat akuzohet sipas aktakuzës.

Pas deklarimit të pandehurit dhe mendimit të prokurorit se nuk e kundërshton pranimin e fajësisë, Gjykata konstatoj se i pandehuri ka pranuar fajësinë në mënyrë vullnetare dhe pa asnjë presion, i pandehuri është i vetëdijshëm për pasojat e pranimit të fajësisë, si dhe të gjitha kërkesat nga nen 248 par. 1 të KPPRK-së janë përmbrushur. Ashtu që gjykata aprovon deklarimin për pranimin e fajësisë nga ana e të pandehurit.

Duke pas parasysh se gjykata ka aprovar pranimin e fajësisë nga ana e të akuzuarit dhe ka vërtetuar se nuk ekziston asnjë rrethanë nga nen 357 par.1 pika 1.1, 1.2 dhe 1.3 të KPPRK-së, si dhe faktin se janë plotësuar kushte nga nen 242 par. 6 lidhur me par. 2 të KPPRK-së, atëherë ne ketë çështje penale nuk është zbatuar procedura e provave, por gjykata pas deklarimit të akuzuarve se e pranojnë fajësinë në kuptim të nenit 242 par. 6 të KPPRK-së ka vazhduar me shqiptimin e dënit.

Me faktet e ofruara ne shkresat e lëndës, e po ashtu me pranimin e fajësisë nga ana e të pandehurit është vërtetuar gjendja faktike si në dispozitiv te këtij aktgjykimi. Nga gjendja e vërtetuar faktike si është përshkruar në dispozitiv të këtij aktgjykimit, rrjedh se në veprimet e të pandehurit I. H. qëndrojnë të gjitha elementet e veprës penale Vjedhje nga nen 313 par 1 të KPRK-së.

Sa i përket fajësisë gjykata ka gjetur se i akuzuari e ka kryer veprat me dashje, ndërsa gjatë procedurës penale nuk janë paraqitur rrethana të cilat do ta zvogëlojnë apo përjashtojnë përgjegjësin penale të akuzuarit, kështu që i njëjti është penalisht përgjegjës.

Duke vendosur lidhur me llojin dhe lartësinë e dënimit, gjykata i ka vlerësuar të gjitha rrethanat lehtësuese dhe renduese ne kuptim te nenit 70 te KPRK-se. Kështu si rrethana lehtësuese për te akuzuarin, gjykata ka vlerësuar pranimin e fajësisë. Ndërsa si rrethana rënduese gjykata vlerësoj faktin se i pandehuri ishte i dënuar më parë sipas Aktgjykimit të plotfuqishëm PM.237/2015.

Andaj, duke vlerësuar këto rrethana, Gjykata ne kuptim te nenit 42 dhe 43 te KPRK-se te akuzuarin e gjykoit si ne dispozitiv te këtij aktgjykimit, me te cilin do te arrihet edhe qëllimi i dënimit.

Gjykata ka ardhur ne përfundim se dënim i shqiptuar te akuzuarit është ne përputhje me shkallen e përgjegjësisë penale te tij dhe me intensitetin e rrezikimit te vlerave te mbrojtura te shoqërisë. Gjykata gjithashtu është e bindur se vendimi mbi dënim do te shërbej për arritjen e qëllimit te dënimit ne pengimin e te pandehurit ne kryerjen e veprave penale ne te ardhmen veçanërisht llojin e njëjtë të veprës penale, por ai do te ndikoj edhe si preventive e përgjithshme për personat tjerë qe te përbahen nga kryerja e veprave penale ne nenin 38 te KPPRK-se.

Duke u bazuar ne nenin 449 par. 2 pika 2.6 dhe 452 par.1 te KPPRK-se si dhe në bazë të nenit 36 par.3 nën par. 3.1 të Ligjit për kompensimin e viktimave të krimtit nr.08/L-109, Gjykata ka vendosur për shpenzimet e procedurës penale në shumën e përgjithshme prej 40 €uro.

Nga arsyet e cekura më lartë dhe me zbatimin e nenit 364 të KPPK-së është vendosur si në dispozitiv të këtij aktgjykimi.

**GJYKATA THEMELORE NË PRISHTINË-DEGA FUSHË KOSOVË,
DEPARTAMENTI I PËRGJITHSHËM PENAL
P.nr.2463/23 datë 02.04.2024**

Gjyqtarja e vetme Gjykuese

Laura Hoti Statovci

KËSHILLA JURIDIKE: Kundër këtij aktgjykimi palët kanë te drejtë të parashtrojnë ankesë në afat prej 30 ditësh, nga dita e pranimit të të njëjtës. Ankesa i dërgohet Gjykatës së Apelit në Prishtinë përmes kësaj Gjykatës.